

¡BOMBA!

Que el huracán fortachón es desafío a la ciencia; ahora, tanta violencia ¿la hace Chaac o Poseidón?



K'uintsil

Miércoles 3 de julio de 2024

CAMPECHE · YUCATÁN · QUINTANA ROO · AÑO 9 · NÚMERO 2268 · www.lajornadamaya.mx

U náachil Beryle' "ku ts'áakto'on u páajtalil klíik'sikbáaj ma'ili' k'uchuke'": Protección Civil Nacional

Tu ja'atskab k'iinil jo'oljeake', beeta'ab tu C5il Cancúne' u múuch'tambalil Consejo Estatal de Protección Civil ti' u péetlu'umil Quintana Roo, tu'ux táakpaj xan u xkóordinadorail Protección Civil, Laura Velázquez Alzúa, ti'al u ts'aatáanta'al yéetel u nu'uktal bix táan u taal chak ik'al Beryl. Le beetik xane', múuch' meyajje' tu jets'aj ma'

táan u xóot'ol le sesiono'.

"Táan kmúul meyaj ti'al u yutsbe'enil u kaajil Quintana Roo", tu ya'alaj Velázquez Alzúa, máax tu ts'áaj k'ajóoltbil Beryl te'el súutuko', ti' yaan ka'ach tu k'áak'náabil Mar Caribe, óol maanal 2 mil kilómetros ti' mexikoil jaal ja', ts'o'oke' yéetel lelo', "ku cha'ak kliik'sikbáaj tu beel ma'ili' k'uchuki'".

Ti' tsoolmeyaj beeta'abe', a'alab táan u pá'ta'al ka yanak tu k'iinilo'ob chak ik'ale', kex ichil 20 yéetel 23 u p'éelal ichil u ja'il Atlántico, ts'o'oke' tu jo'oloj káajak u k'iinile' (chúun tu yáax k'iinil junioe') ts'o'ok u yantal óoxp'éeli', ts'o'oke' lelo' ku chiikbesik u 13 por sientoil ti' tuláakal. Ku tukulta'ale' Beryle' jach séeb úuchik chak ik'altal, ts'o'oke' leti'e' yáax

ts'o'ok u k'uchul tak tu muuk'il 5 tu séeba'anil (ichil junio yéetel julio); tumen lelo' tak agosto ku yúuchul ka'achij.

Laura Velázqueze' tu k'a'aytaj u ts'a'abal jump'éel u kúuchil kanan tu kaajil Cancún, beyxan tu playa Linda, ts'o'oke' je'el bix kun ilbil kun jaats' chak ik'ale', yaan u yila'al wa k'a'abéet u je'ebel uláak' tu noojolil le péetlu'umo'.

Rosario Ruiz
Oochel NASA

